

7.21  
46(3)-11

二十六

傷寒醫訣串解全

二十六



閩長樂陳脩園著

翻刻必究

傷寒醫旨訣串解

十藥神書註解附後  
味根齋藏板



傷寒醫訣串解其長樂陳修園  
先生晚年所編集也惜六卷之中  
尚缺其一以其未成書故不及付梓  
其門徒猶子陳道著有靈扁風  
閩之名醫也既能學先生之學又  
能承先生之志日嘗手披而秘藏



之復體會其遠意而叙續一篇以補  
其缺合成六篇而篇帙遂成爲傳  
園古矣其猶子道其志古矣閩中林  
子壽萱專心術世於舊書肆中檢乃  
脩園先生註解葛書久十藥神書  
一卷購而珍存之并恐此二種沒而

不彰因細加雙言校韻而錄之欲與  
兩先生傳名兼以傳世值余奉  
命巡撫全閩因舊疾復起探知  
林子精於療治常勞診視論及  
閩中名醫林子以陳修園陳道其  
兩先生對教以修園先生所其南



雅堂十一種醫書見示且余本美  
病人也又平熟是書久矣適  
復以傷寒醫訣串解子錄一通  
序於余。不敏每兢。官守尚恐才  
不足以經世何暇論及術世然串解  
實補傷寒淺註所未備不可以不

是裘集傷寒淺註凡三百九十  
七法依法條晰期於明白易曉  
而又憲學者未能融會貫通  
而得其要旨也不揣固陋漫  
為綜貫衍繹名曰傷寒醫  
訣串解其於疑以細微之

靈抉剔詳辨頗費苦心  
脩園矣敢謂於此道  
於肱然有志之士誠能  
此袖繹其端緒推尋其綱  
領而不眩於似是而非未必  
非活國活人之一助也





傳若再附以十藥成書註解合而  
刻之庶可以作岐黃家祕本矣  
今之術岐黃女果能默會精審

互相參校其裨益良不淺也姑

就林子所述其緣起為之并數

語於簡端云尔





傷寒醫訣串解目錄

聞長樂陳念祖脩園著

受業姪道著纂集

東治林壽萱校訂

卷之一

太陽篇

卷之二

陽明篇

卷之三

少陽篇



南京中医药大学图书馆藏

修身醫書目錄

卷之四

太陰篇

卷之五

少陰篇

卷之六

厥陰篇



南京中医药大学图书馆版权所有

傷寒醫訣申解卷一

崗長樂陳念祖修園著

太陽篇第一

太陽為寒水之經主一身之表

東台林壽甫校訂

何謂太陽經症曰頭痛項強發熱惡寒是也有虛邪實邪之辨  
脈緩自汗惡風為虛邪宜桂枝湯○如八九日過經不解如瘧狀  
面熱身癢以其不得小汗故也宜桂枝麻黃各半湯因前此未汗  
不得發其汗因日數頗久故小發其汗○如服桂枝湯大汗出  
後形如瘧日再發者以餘邪未盡故也宜桂枝二麻黃一湯大汗  
之後不得再行大汗之法而餘邪未盡不得不從汗而竭之但藥  
品宜輕耳



脈浮緊無汗惡寒為實邪宜麻黃湯。如無汗煩躁者加石膏。棗名大青龍湯。如乾嘔而咳去杏仁加五味。乾姜半夏細辛。藥名為小青龍湯。此二湯即麻黃湯之加減。總不出麻黃湯之範。圍此二法治表中之表也。

何謂太陽腑症。曰表邪不去必入於裏。膀胱為表中之裏也。有水蓄血之辨。

太陽症其人口渴煩躁不得眠脈浮小便不利水入即吐為膀胱蓄水症宜五苓散。

太陽症其人如狂小腹鞭滿小便自利脈沉為膀胱蓄血症宜桃仁承氣湯。此二法治表中之裏也。



何謂太陽變症。曰汗下失宜。從陰從陽之不一也。

不應下而下之。續得下利。清穀身疼痛。宜四逆湯以救清穀之寒。

又以桂枝湯以救身疼痛之表。

病發熱頭痛脈反沉若不瘥身體疼痛當救其裏宜四逆湯。

大汗大下利而厥冷者四逆湯主之。

太陽病發汗太過遂瀉不止其人惡風小便難四肢微急難以屈伸。

桂枝加附子湯主之。

太陽病發汗太過動其營血而衛邪反內伏其人仍發熱心下悸。

頭眩身動振振欲擗地者真武湯主之。

已上言汗下太過傷正而虛其陽陽虛則從少陰陰化之症多以。



傷寒論卷之九  
太陽少陰為表裏也

陽盛於內。誤服桂枝湯。大汗出後。大煩大渴不解。脈洪大者。自

加人參湯主之。

傷寒若吐。若下後。七八日不解。熱結在裏。表裏俱熱。時時惡風。大

渴。舌上乾燥而煩。欲飲水數升者。白虎加人參湯主之。

傷寒不大便六七日為裏症。頭痛發熱為表症。外不解由於內不

通也。下之裏和而表自解矣。與承氣湯。

病人煩熱汗出則解。又如瘧狀。日晡所發熱屬陽明也。脈實者宜

下之。與大承氣湯。脈虛者宜發汗。與桂枝湯。發汗後惡寒者虛故

也不惡寒但熱者實也。當和胃氣。與調胃承氣湯。





太陽病未解。脈陰陽俱停。停者。沉滯不起也。陰陽者。尺寸也。先發  
心汗出。乃解。但陽脈微者。先汗而解。但陰脈微者。下之而解。若  
下之。宜調胃承氣湯。按此脈微。卽上文脈停也。已上言汗下失  
宜。熱熾而傷其陰。陰傷則從陽明。陽化之症。多以太陽陽明遞相  
傳也。

何謂發汗利水爲治太陽兩大門。曰邪傷太陽。病在寒水之經。驅  
其水氣以外出。則爲汗。逐其水氣以下出。後爲黃蘗。蓄水前爲小  
便長。

太陽爲寒水之經。邪之初傷。必須發汗。麻黃湯發皮膚之汗。桂  
枝湯發經絡之汗。葛根湯發肌肉之汗。小青龍湯發心下之汗。



大青龍湯發其內擾胸中之陽氣而為汗此發汗之五法也  
 汗之而不能盡者則為水水在心下乾嘔而咳宜小青龍湯  
 熱而煩渴欲飲水水入即吐名曰水逆宜五苓散汗後心下痛  
 硬乾噫食臭脇下有水氣腹中雷鳴下利者病勢雖在腹中而  
 病根猶在心下宜生姜瀉心湯此水氣在上焦在上者汗而  
 之也若妄下之後自心上至小腹硬滿而痛不可近水與氣脈所結  
 遲名大結胸宜大陷胸湯若項亦強如柔症之狀宜大陷胸丸  
 蓋病勢連於下者至以湯病勢連於上者至以丸是也若其結  
 止在心下按之始痛脈浮滑名小結胸邪氣尚在脈絡宜小陷  
 胸湯若無熱症名寒實結胸宜三物白散若心下痞鞭滿引脇



下痛乾嘔。短氣汗出不惡寒。三焦升降之氣阻格。難通。宜十棗湯。此水氣在中焦。中滿瀉之於內也。若頭痛項強。翕翕發熱。汗心下滿。微痛。小便不利者。因膀胱之水不行。營衛不調。不能作汗。宜以桂枝去桂。加茯苓白朮湯治之。是水氣在下焦在下者。引而竭之是也。

內經云。太陽之上。寒氣治之。所謂本也。本之下。中之見也。見之下。氣之標也。又曰。太陽從本從標。又曰。太陽為開。又熱病論曰。傷寒一日。巨陽受之。故頭項痛。腰脊強。傷寒論云。太陽之為病。脈浮頭項強痛而惡寒。又云。太陽病發熱汗出惡風。脈緩者。名為中風。



又云太陽中風陽浮而陰弱陽浮者熱自發陰弱者汗出啻啻惡寒淅淅惡風翕翕發熱鼻鳴乾嘔者桂枝湯主之

又云太陽病頭痛發熱身疼腰痛骨節疼痛惡風無汗而喘者麻黃湯主之

太陽主一身之表六經中最外一層故表病俱屬太陽但有表中之表病在肌腠則有汗宜桂枝湯病在膚表則無汗宜麻黃湯兩法用之得當一劑可愈又有脈微惡寒面色反有熱色而身發是邪欲出而未得遽出必得小汗而解宜桂枝麻黃各半湯又有服桂枝湯大汗出後形如瘧日再發是肌病兼見表病宜桂枝二麻黃一湯是二方割上兩法之佐也然二方能治肌



腠膚表之病不能治。經輸之病。太陽之經輸在背。內經云。邪在於輸。腰背乃強。論中以項背強。凡無汗惡風。用葛根湯。項背強。凡反汗出惡風。用桂枝加葛根湯。二方亦上兩法之存也。但兩法俱是太陽本寒之症。故方中取用辛熱之品。若太陽標熱之症。自汗症。不得運用桂枝湯。宜用芍藥甘草湯。以各證。由桂枝證無異。唯脚攣急獨異。是太陽之標熱。合少陰之本熱之病也。無汗症。不得用麻黃湯。宜用麻杏甘膏湯。以各症與麻黃證相似。唯初起口渴發熱。而無惡寒。或發汗已。身灼熱不似。論雖另別為溫病。風溫之證。然節首冠以太陽病三字。蓋指太陽之標熱而言。明明為一偶之舉。不讀內經不能解也。其云桂枝



二越婢一湯爲標。內陷於裏陰而化熱。故熱多寒少而脈微弱。論曰無陽言無在表之陽也。論曰不可發汗言不可發太陽之表汗也。故用此湯直從裏陰而外越之也。此又可借用爲治兩法之佐也。然太陽爲表而亦有裏膀胱卽太陽之裏也。如太陽症發熱無汗而心下滿微痛小便不利不宜取汗宜桂枝去芍藥。加茯苓白朮湯令小便利則愈。又有發汗後脈浮小便不利微熱消渴之症。又有中風之執六七日不解而煩爲表症渴欲飲水爲裏症。論名曰表裏症。水入則吐。論名曰水逆證。兩證俱宜五苓散。多飲煖水以出汗。此表中裏症之治法也。至若大青龍湯因脈浮身疼痛不汗出而煩躁爲麻黃證之重者而設小

青龍湯因表不解水停心下而咳噎變大青龍湯之大寒太散而爲發汗利水之劑卽是麻黃湯也加減總不出麻黃湯之範圍卽若桂枝去芍藥湯因桂枝症悞下脈促胸滿而設桂枝去芍藥加附子湯又因前症脈不見促而見微身復惡寒而設桂枝加附子湯因發汗太過遂漏不止惡風小便難因肢微急輒以屈伸而設此因大汗以亡陽因亡陽以脫液取附子以固少陰之陽固陽卽所以止汗救液也推之汗後病已解復煩及桂枝症初服桂枝湯反煩不解刺風池風府却再與桂枝湯則愈其用甚廣總不出於桂枝證頭痛發熱汗出惡風八個字之外須知太陽治法不外桂枝麻黃二湯服麻黃湯之後復有再服

桂枝湯之法。服桂枝湯之後。並無再服麻黃湯之湯。更須知。陽爲寒水之經。病本寒者較多。病標熱者較少。若標本兼病。以熱多寒少爲欲愈。治傷寒者。當知所重矣。此論大陽病。以桂枝麻黃二湯爲主。一線到底。千古註家。無此明瞭。外此。亦即二湯之更進一步。非離乎二湯之外而立法也。太陽主一身最外一層。邪從外來。須要驅之使出。服上二湯。尙不能出。或留本經。或侵他經。必藉少陽之樞轉。以達太陽之氣而外出也。故小柴胡湯爲太陽篇之要劑。今人不知。擅改爲少陽主方。失之遠矣。故無論桂枝證。麻黃證。若值三日。九日。十五日。少陽主氣之期。必藉其樞轉而出。或又見往來寒熱。樞不轉。現出開闔不利之。





象胸脇苦滿。胸乃太陽出入之部。脇爲少陽所主之樞。默默不欲食。心煩。默默必神機內鬱。而心煩喜嘔。不欲食。必胃氣不和。而喜嘔。嘔則逆氣少疎。故喜也。或涉於心而不涉於胃。則胸中煩而不嘔。或涉於陽明之燥氣。則渴。或涉於太陰之脾氣。則腹中痛。或涉於厥陰之肝氣。則脇下痞鞭。或涉於少陰之腎氣。則心下悸。而小便不利。或太陽藉少陽之樞轉。已有向外之勢。則不渴。身有微熱。或涉於太陰之肺氣。則咳者。皆以小柴胡湯。至而隨七。或然之證。加減而治之。若太陽病過經不解。先與少柴胡湯。嘔不止。心下急。鬱鬱微煩。與大柴胡湯下之。以平其胃。則愈。凡太陽篇有柴胡之方。或因其病象有從樞欲達之意。而以

柴胡達之。抑因其久鬱未解之邪。一得柴胡可以從樞達之。無非乘機利導之法。亦即麻黃桂枝二湯進一步之佐也。推而尋之。太陽之氣外行於胸膈。不能外而病於內。實則為大小陷胸湯證。虛則為諸瀉心湯證。且太陽之氣上行而至於頭。下行而歸於腹。不能上而病於下。從背而下結於胞室。別為桃仁承氣湯證。從胸而下瘀於胞室。則為抵當湯證。何莫非桂枝麻黃二湯應用不用。或用之失法所致哉。蓋太陽經正治法。不過二十餘條而已。其他則皆權變法。幹旋法也。假使治傷寒者。審其脈之或緩或緊。辨其證之有汗無汗。則從兩汗之解。如桂枝麻黃等法。則邪去而病除矣。其或合陽明。或合少陽。或合三陽者。



則從而解之清之。如葛根湯治太陽陽明合病下利葛根加半  
夏湯治合病不下利而但嘔者黃芩湯治太陽少陽合病而白  
利黃芩加半夏生薑湯治合病而嘔者如白虎湯治三陽合病  
其云腹滿者爲陽明經熱合於前也其云身重者爲太陽經熱  
合於後也其云難以轉側者爲少陽經熱合於側也其云口不  
渴而面垢者熱合少陽之府也其云譫語者熱合陽明之府也  
其云遺尿者熱合太陽之府也既審其爲三陽之合又必得自  
汗出之的證而後用白虎湯之的方斯邪分而病解此爲正治  
之法顧人氣體有虛實之殊藏府有陰陽之異或素有痰飲痞  
氣以及咽燥淋瀝汗衄之疾或適當房室金刃產後亡血之餘



是雖同為傷寒之候。不得竟用麻桂之法矣。於是旋覆代赭石湯。治傷寒汗吐下解後。心下痞鞭噫氣不除。是胃氣弱而支和痰氣動而上逆之症。目茨苓桂枝白朮甘草湯。治吐下後邪解而為飲發之證。金匱云。膈間支飲。其人喘滿。心下痞堅。又云。心下有痰飲。胸脇支滿。目眩。又云。其人振振身瞤劇者。必有飲。飲。其云發汗則動經者。言無邪可發。而反動其經氣也。有承氣湯。治傷寒六七日不大便。頭痛有熱。必衄。以陽熱太重。此此湯承在上之熱氣而使之下也。有小建中湯。以治傷寒二三日心悸而煩。補中氣以生心血。有炙甘草湯。治脈結伐。心動悸。啟腎陰。以行於脈道。有四逆湯。治發熱頭痛。脈反沉。身體疼痛。扶腎



陽以救其虛陷。是爲確變之法。而用桂枝麻黃等法。又不能  
其無過與不及之弊。或汗出不徹。而邪不外散。則有傳變他經  
及發黃蓄血之病。如中風以火却汗。則兩陽熏灼。其身發黃。陽  
盛則欲衄。陰虛則小便難。甚則見發噦譫語。捻衣摸床。諸疴症  
服藥得小便利者。方可治之。如桂枝證外不解。而熱結膀胱。其  
人如狂。血得自下。乃愈。若小腹急結。有桃仁承氣湯之輕攻法。  
如麻黃證表不解。脈微而沉。其人狂。其邪反不結於胸。而直下  
於小腹。而鞭滿。爲瘀熱在裏。又身黃。脈沉結。小便自利。不爲水。  
而爲血。其血不能自下。必攻而始下。又有抵當湯之峻攻法也。  
或汗出過多。而并傷其陽氣。則有振振擗地。肉臍筋惕。爲真武

湯之證有發汗後血液內亡身疼痛脈沉遲者為桂枝加芍藥  
 生姜人參新加湯證有發汗過多虛其心氣其人叉手冒心喜  
 按者為桂枝甘草湯證有發汗後虛其腎氣臍下悸欲作命脈  
 為茯苓桂枝甘草大棗湯證有發汗後傷其中氣不能運行升  
 降而腹脹滿為厚樸生姜甘草人參半夏湯證有發汗後反  
 寒陰陽兩虛為芍藥甘草附子湯證且有更發汗小發汗論中  
 有論而無方亦可以意會之是為斡旋之法學者宜究心焉



傷寒醫訣串解卷二

聞長樂陳念祖修園著

受業趙道著纂集  
東泊林壽萱校訂

陽明篇第二

陽明主裏外候肌肉內候胃中

何謂陽明經症曰身熱自痛鼻乾不得眠反惡熱是也有未罷大陽已罷太陽之辨

若兼見頭痛惡寒是太陽症未罷自汗脈緩宜桂枝湯項背強  
凡凡桂枝加葛根湯主之無汗脈浮宜麻黃湯項背強凡凡葛  
根湯主之

若無頭痛惡寒但見壯熱口渴是已罷太陽為陽明經之本症  
宜白虎湯主之



何謂陽明腑症曰潮熱譫語手足腋下澼然汗出腹滿大便鞭是也  
也有太陽陽明少陽陽明正陽陽明之辨

本太陽症治之失法亡其津液致太陽之熱乘胃燥而轉屬陽  
且其症小便數大便硬傷寒論謂之脾約宜麻仁丸。已上言  
太陽陽明之症也

本小陽病治之失法亡其津液致少陽之邪乘胃燥而轉屬陽  
明為大便結燥傷寒論謂為大便難以蜜煎膽汁導之。已上  
言少陽陽明之症也

病人陽氣素盛或有宿食外邪傳入遂歸於胃腑傷寒論謂為  
胃家實宜以三承氣湯下之。已上言正陽陽明之症也





之明在經未離太陽宜汗之既離太陽宜清之在腑審其輕重  
宜下之若在經絡之界汗之不可清之不可下之不可宜用吐  
法柯韻伯云除胃實症其餘如虛熱咽乾口乾口苦舌胎腹滿  
煩燥不得卧消渴而小便不利凡在胃之外者悉是陽明表症  
仲景製汗劑是開太陽表邪之出路製吐劑是引陽明表邪之  
出路使心腹之濁邪上出於口一吐則心腹得舒表裏之煩熱  
悉除矣煩熱既除則胃外清自不致胃中之實所以爲陽明解  
表之聖劑

內經云陽明之上燥氣治之所謂本也本之下中之見也見之下  
氣之標也又曰陽明不從樞本從乎中見從中見者以中氣爲化

也。又曰陽明為闔。又熱病論曰二日陽明受之。陽明主肉。其脈緩鼻絡於目。故身熱目痛而鼻乾不得卧也。傷寒多發熱而此獨身熱者。蓋陽明主肌肉。身熱尤甚也。邪熱在胃則煩。故不得舒臥也。傷寒論云問曰病有太陽陽明。有正陽陽明。有少陽陽明。何謂也。答曰太陽陽明者脾約是也。本太陽病不解。太陽之標熱合陽明之燥熱。以致脾之津液為其所灼而窮約。正陽陽明者胃家實是也。燥為陽明之本氣。燥氣太過無中見濕上之化而實。少陽陽明者發汗利小便胃中燥煩而實。太便秘是也。少陽之上相火治之。少陽病誤發汗誤利小便則津液竭而相火熾。蓋胃中燥實而大

難矣

陽明之為病胃家實也。言陽明病雖有三者之分。而其為胃家實則一也。此節為陽明病之提綱。沈堯封云。胃家實言以手按胃中實硬也。柯韻伯云。不大便利。便是胃家實。尤在涇云。凡傷寒腹滿便閉。潮熱轉失氣。手足濇濇汗出等證。皆是胃家實。三說不同。均存之以互參。問曰。陽明外證云何。答曰。身熱。肌肉蒸蒸然。熱達外。與太陽表熱不同。汗自出。熱氣內盛。濇濇然汗溢於外。與太陽之自汗不同。不惡寒。外寒已解。反惡熱。裏熱已盛也。沈堯封云。此節合上一節。為陽明證一內一外之提綱。只因有胃家實之病根。則現熱盛汗出之病證。不惡寒反惡熱之病情。必內外俱備。方是陽明之的證。



陽明本燥而標陽。若不待中見太陰之濕化其燥氣。陽熱太盛。則爲胃家實之病。故仲景以胃家實爲此證提綱。雖有太陽陽明正陽陽明少陽陽明之分。而其爲胃家實則一也。且更合之外證。自熱汗自出不惡寒反惡熱。便知胃家實證有諸中而見諸外。愈可定其爲真陽明也。其證雖有在表宜從汗解者。須知汗出多脈微宜桂枝湯。無汗而喘脈浮宜麻黃湯。二者俱太陽證。而屬之陽明者。以其才頭痛項強故也。若惡寒已罷。二方必不可用。且陽明提綱重在裏證。所以論中以此條別作一章也。至於陽明本證有自愛證。有轉屬證。有邪盛證。有正虛證。有能食不能食證。有寒冷燥熱證。有從樞從開證。有名司而實異源。

一而流分證治之者不得其緒如治絲而勞之也何謂自愛  
起於陽明本經自爲之病其外證身熱汗自出不惡寒反惡熱  
爲陽明病自內達外之表證其有得之一日不待解散而二日  
惡寒自罷卽自汗出而發熱爲風寒入於陽明本經之表證此  
陽明自愛之大畧也何謂轉屬凡太陽病過汗亡其津液致胃  
中乾燥而轉屬者固多亦有本太陽病初得時發汗不徹太陽  
標熱之氣不能隨汗而泄卽與陽明燥氣混爲一家而轉屬者  
亦有發熱無汗嘔不能食其時卽伏胃不和之病機不因發汗  
而自泚泚然汗出爲轉屬者更有誤下而轉屬者此陽明病轉  
屬之大畧也何以謂正虛本篇第十六節云陽明病不能食胃



中虛冷攻其熱必噉言胃府之虛也第十七節云脈遲食難將  
 飽館則微煩頭眩必小便難此欲作穀瘕雖下之腹滿如故此  
 言經脈之虛也第十八節云無汗身如蟲行皮中狀者虛故也  
 此言皮膚之虛也論雖無方太抵不外溫補之法第二十六節  
 云傷寒嘔多雖有陽明證不可攻之以嘔則胃氣虛雖有陽明  
 實熱之證不可誤攻而致死此言胃氣虛不可下也第二十七  
 節云心下鞭滿者不可攻之攻之利遂不止者死論止言心下  
 而不及腹止言鞭滿而不兼痛且心下為陽明之膈膈實去腹  
 必虛腹中之虛氣閉於陽明之部若誤攻之則穀氣盡而不利  
 死矣此言真虛假實者不可下也第十八節云面合赤色不可



以之攻之必發熱色黃小便不利以陽明之脈上循於面不知  
熏解之法而誤攻之則變爲發熱色黃小便不利等證此言外  
實內虛不可下也須知陽明證雖以胃家實爲提綱而不得中  
見太陰之濕化陽明愈實而中見愈虛前此註家不知從此  
辨以致患陽明證者以白虎承氣枉死幾千萬人也何謂邪胃  
論中陽明府證皆執邪爲病然熱邪散漫於內外大渴大汗宜  
用白虎逐熱而生彼執邪結聚於腸胃潮熱譫語宜用承氣逐  
熱而蕩實二方均爲陽明府病而設誤用之便致殺人第四十  
一節三陽合病末一句云若自汗出者主用白虎湯可以得其  
大要而三承氣湯各有所主陽明證不吐不下雖胃氣不虛而

胃絡上通於心。可因其心煩一證而知其胃氣不利。可與調胃承氣湯。二十九節已有明文也。至於大承氣證於其脈遲則知其陽邪盡入於裏陰。又於其汗出不惡寒身重短氣腹滿而喘五者之中更取出裏證最確者曰不惡寒而潮熱言執邪盡入於胃必變身熱爲潮熱也。且於裏證中而知其大便鞭之最確者曰手足濇然而汗出言胃主四肢若大便已鞭者必通身熱蒸之汗自歛而變爲手足濇然之汗方爲大承氣之的證。否則不過燥屎不行祇爲小承氣證耳。然而小承氣亦不可以輕用也不大便六七日欲知其有燥屎與否。少與小承氣湯試之。湯入腹中而轉矢氣者可再用之。若不轉矢氣者此爲胃氣之虛。





初鞭後溏必致不能食而脹滿不能飲而作噦矣論中二十九節三十節三十一節當潛心體玩至於譚語諸家皆謂邪實然論中三十二節有實則譚語虛則鄭聲之分本節自視爲精氣已奪喘滿戶脾肺不交下利爲脾腎不固此皆譚語虛脫之義候其餘自三十三節至四十三節實邪固多而亦不可概認爲實邪之爲病也張隱菴云凡譚語乃心主神氣內虛言至於心非關於胃胃燥譚語而用承氣乃胃絡不能上通於心胃氣清而脈絡能通之義仲景示以法不可泥於法也何謂能食不能食若中風則能食以風能鼓動陽明之氣也若中寒則不能食以寒能拒閉陽明之氣也中寒之旨詳於第十九節中風之旨

詳於第二十節。意以寒爲陰邪而下行。故無汗而小便利。風爲陽邪而上行。故不惡寒而頭眩。寒則嘔不能食。風則能食。寒則頭痛。風則咽痛。此陽明有風寒之別也。何謂寒冷燥熱之分。本篇第四十四節云。脈浮而遲。虛寒之脈也。其云表熱者。陽明戊土不能下合少陰癸水而獨主乎外也。其云裏寒者。少陰癸水不能上台陽明戊土而獨主乎內也。其云下利清穀者。戊癸不合而下焦生陽不升也。以四逆湯爲主治。第四十五節云。胃中虛冷者。言中焦土氣虛冷也。其云不能食者。中焦虛冷失其消穀之用也。其云飲水則噦者。兩寒相得而爲噦也。論中未出方而理中湯堪爲主治。推之第六十節云。食穀欲嘔者。屬陽明也。



吳茱萸湯主之。與此節亦互相發明也。第四十六節云脈浮發熱者陽明燥熱在於經脈也。其云口乾鼻燥者熱循經脈而乘於上焦也。其云能食則衄者熱在經脈不傷中焦之胃氣。此說正於能食而得熱在經脈之確證。經脈熱甚得衄則熱有出路而解矣。推之第六十節食穀欲嘔後半節云得湯反劇者屬上焦也。上焦主火熱而言與此節亦互相發明也。何謂從樞從開內經云大陽爲開陽明爲閤少陽爲樞三經者不得相失也。使陽明而終於閤則死矣。然則何法以致其開一則從少陽之樞以轉之。四十七節云下之後外熱手足溫不結胸心中懊懣飢不能食但頭汗出者是陽明閤其氣不交於上下也。以梔子豉

湯主之。四十八節云。發潮熱。大便溏。小便自可。胸脇滿不去者。是陽明。閤其氣。不涉於大小二便。止逆於胸脇之間。以小柴胡湯主之。且小柴胡湯時醫止知爲少陽之方。而不知爲陽明之要方也。四十九節云。陽明病。脇下鞭滿。言不得少陽之樞。則下焦不通。而爲不大便。中焦不治。胃氣不和。而爲嘔。上焦不和。火鬱於上。其舌上現有白胎。可與小柴胡湯。上焦得通。津液得下。胃氣因和。身濺然汗出而解。所以從樞以轉之者。此也。一則從太陽之開。以出之。五十節陽明中風。脈弦浮大而短氣。共九十三字。解詳淺註。病過十日。又當三陰受邪。若脈續浮者。知其不涉於陰。仍欲從少陽之樞而出。若脈但浮而別無餘症者。是病



機欲從太陽之開。可與麻黃湯以助之。若不尿。腹滿加噦者。不從少陽之樞。太陽之開。逆于三陰爲不治之證。所謂從開以出者此也。何謂名同而實異。內經云。人之傷於寒也。則爲熱病。二日陽明受之。其脈俠鼻絡於目。所云身熱目痛鼻乾不得眠。是止就陽明經病之一端而言。仲景以胃家實提綱。是該內外證治之全法而立論也。後人妄用升麻葛根湯。反發陽明之汗。上而鼻衄。下而便難。是引賊破家矣。此所謂名同而實異也。何謂源一而流分。陽明原主氣而蓄血。證則主血。陽明原主燥而發黃。證則合濕。五十五節云。陽明證其人喜忘。必有蓄血。尿雖鞭大便反易。其色必黑。抵當湯主之。七十五節云。病人無表。

裏證發熱七八日。雖脈浮數者。可下之言。病在陽明之絡絡。則無涉於表裏也。發熱而不惡寒下之所以泄其熱也。假令已下。脈浮已解。而數不解。知其熱不在氣而在血。不在陽明之經而在陽明之絡。論名合熱。其合有二。一合於中。則爲消穀善飢。至六七日不大便。其血必瘀於中。宜抵當湯以攻之。一合於下。則爲下利不止。必協熱而便膿血。雖未出方。大抵溫劑不外桃花湯寒劑不外白頭翁湯之類。同一陽明證。而又有發黃者。第二十一節云。陽明病無汗小便不利。心中懊懺者。身必發黃。第二十二節云。陽明病被火。額上微汗出。小便不利者。必發黃。此言濕熱鬱於中土也。七十六節云。傷寒發汗已。身自爲黃。爲寒濕在

真意者濕熱之黃可下而寒濕之黃不可下雖未出方大抵五  
苓散加茵陳蒿爲近是七十七節云傷寒七八日身黃如橘子  
色小便不利腹微滿者茵陳蒿湯主之此言濕熱鬱於裏而爲  
黃以大黃合茵陳蒿導之從小便出也七十八節云傷寒身黃  
發熱者梔子蘗皮湯主之言濕熱已發於外全無裏證取蘗皮  
以走皮以三味色黃以治黃也七十九節云傷寒瘀熱在裏身  
必發黃麻黃連翹赤小豆湯主之此言傷寒表證未解而濕熱  
瘀於裏而形於外藉麻黃以取微汗也此所謂源一而流則分  
也至於治法悶者恐其終閣實者慮其大實故以三承氣湯之  
重劑爲主麻仁丸爲潤下之輕劑也竊煎導爲外取之尤輕者



也。其調胃承氣湯方中芒硝、上承火氣，大黃下通地道，不用枳  
樸之破泄，而用甘草之和中，所以名爲調胃也。其小承氣湯專  
取通其燥屎，故不用芒硝之上承火氣，配不炙之枳樸，而疏達  
壅滯，多與爲攻，少與爲和，故名之曰小也。若夫大承氣湯乃大  
無不該，主承通體之火熱而下行，凡血氣瘀滯，穀宿食無不  
一掃而淨，爲下劑之最重者，用之得法，可以起死回生。倘若一  
誤，則邪去而正亦亡矣。所以三十一節言欲與大承氣湯先少  
與小承氣湯，若轉失氣，爲有燥屎，方以大承氣湯攻之。與三十  
六節言欲與大承氣湯，卽以小承氣湯爲試，其義相通。詳於淺  
註，若大便硬，忽見小便數少，以津液當選入胃中，不久自下不





必攻之。詳於二十五節。當細味之。三十九節言汗出譫語以燥屎在胃中。此爲風也。過經乃可下之。下之若早。語言必亂。無非諳諳然。不可輕下。不可早下之意。陶節菴云。痞滿燥實堅五者。全具方可用之。此語雖曰未粹。亦堪爲鹵莽者。腦後下一金針也。然論中急下三條。却不在痞滿燥實堅五證。第七十節云。傷寒六七日。目中不了了。睛不和。無表裏證。大便難。無裏證。故大便秘。但覺其難。身微熱者。無表證。故身無大熱。而止微熱。此爲實也。急下之。宜大承氣湯。此言悍熱之氣上走空竅也。七十一節云。陽明病發熱汗多者。急下之。止發熱汗出。無燥渴。鞞實之證。而亦急下之者。病在悍氣無疑矣。宜大承氣湯。此言悍熱

之氣內出而迫其津液外亡也。七十二節云發汗不解腹滿。腐者急下之宜大承氣湯。此言悍熱不上走於空竅而下滯於臍腹也。二者之外雖無急下之明文。亦有不可姑緩者。七十三節云腹滿不減。減不足言。當下之宜大承氣湯。言在陽明無形之悍氣從育膜而聚有形之胸腹。又與陽明之本氣不同也。蓋此證初患皆為病不甚重病家。醫家往往不甚留意。若過讀薛立齋張景岳及老村學先生多閱八家書者為之主方。其死定矣。陽明篇此證最為難治。其餘各症皆可於本篇按法而施方治。自無難事。善讀者當自領之。不能以筆楮罄也。

門人問曰時賢柯韻伯謂陽明表證身熱自汗不惡寒反惡熱



此因內熱外發以梔子豉湯因勢吐之後人認不出陽明表證  
既不敢用麻桂又不知用梔子豉必待熱深熱極始以白虎承氣  
投之是不知仲景治陽明之初法遂廢仲景之吐法立說法  
夫子以爲何如曰梔子豉湯治心煩胸中懊憹不眠等證  
陽明證初患未實者之要藥善用之自有左宜右有之妙但  
因勢吐之是因前人之誤反失梔子豉湯立方之本旨且以瓜  
蒂散之涌吐亦移入陽明篇中更失之遠矣其自撰出上越中  
清下奪爲治陽明三大法試問陽明篇何嘗有涌吐之條乎門  
人又問曰發汗利小便爲陽明之大禁然乎否乎曰此爲正論  
但不可沈矣五十二節五十三節麻黃桂枝二湯已有明文且



五十八節。桂枝湯與大承湯為一表一裏之對峙。以脈實宜下。脈浮虛宜汗。六十二節。病人不惡寒而渴者。此轉屬陽明也。便數者大便必鞭不更衣。一日無所苦也。渴欲飲水少少與之。但以法救之。渴者宜五苓散。意者十日無所苦。承氣湯不可用。飲水亦不至數升。白虎加人參湯又非所宜。惟以五苓散助脾氣以轉輸。多飲煖水以出汗。則內外俱鬆矣。讀此可知禁汗為正治之法。而發汗原為除熱以存津液起見。亦為權宜之法也。四十三節云。若脈浮發熱渴欲飲水。小便不利者。猪苓湯主之。意者利水之中。寓以育陰。不失陽明之治法。而後半節又云。陽明病汗出多而渴者。不可與猪苓湯。以汗多胃中燥。猪苓湯



復利其小便故也。讀此可知利水原爲消火以存津液起見。定  
爲權宜之妙用。若汗出不多者可與汗出多者不可與以汗  
與溺同出而異歸。權宜中人以正治之法爲重也。



南京中醫藥大學圖書館藏

傷寒醫訣串解卷二

五苓散可也。淋水風欬。亦大以者。動則其

其證同出。而疑其證。然此中人以五苓散者。為重也。

傷寒醫訣串解卷二



南京中医药大学图书馆藏

傷寒醫訣串解卷三

閩長樂陳念祖修園著

受業姪道善纂集

東冶林壽萱校訂

少陽篇第三

少陽主半表半裏

何謂少陽經症曰口苦咽乾目眩是也有虛火實火二症之辨

寒熱往來於外胸脇苦滿默默不欲食心煩喜嘔為虛火症宜小

柴胡湯

寒熱往來於外心中痞鞭鬱鬱微煩嘔不止為實火症宜大柴胡

湯

何謂少陽腑症曰少陽主寒熱屬於半表則為經屬於半裏則為



腑其症雖無寒熱往來於外而有寒熱相搏於中有痞痛利嘔

辨

因嘔而痞不痛者半夏瀉心湯

胸中有熱而欲嘔胃中有邪氣而腹中痛宜黃連湯

邪已入裏則膽火下攻為脾而白利宜黃芩湯

膽火上逆於胃而為嘔宜黃芩加半夏生姜湯

已上四方寒熱攻補並用仍不離少陽和解法

經云少陽之上相火治之所謂本也本之下中之見也見之下氣

之標也又曰少陽從本又曰少陽為樞又熱病論曰三日少陽受

之少陽主膽其脈循脇絡於耳故胸脇痛而耳聾其經脈出耳前





後下循胸脇故爲脇痛耳聾等證

傷寒論云少陽之爲病口苦苦從火化咽乾火勝則乾目眩風火相煽則眩也此節爲少陽證之提綱主少陽之氣化而言也柯韻伯云口咽目三者不可謂之表亦不可謂之裏是表之入裏裏之出表處所謂半表半裏是也三者能開能闔恰合樞機之象苦乾眩三者皆相火上走空竅而爲病也此病自內之外人所不知唯病人自知診家所以不可無問法三證爲少陽病機兼風火雜病而言

少陽標陽本火標本不易故從水經云少陽爲甲木主風火之爲病論中止十節第一節言口苦咽乾目眩爲少陽之總綱皆

就氣化而言也以下補言經脉第二節云少陽中風兩耳無所聞者以少陽之脉從耳後入耳中出走耳前也目赤者以少陽之脉起於目銳眥也胸中滿而煩者以樞不運則滿相火合於君火則煩也不可吐下者恐傷上下二焦之氣也吐下則悸而驚者以手少陽三焦合於手厥陰心色足少陽膽合於足厥陰肝吐則傷心色而為悸下則傷肝而為驚也此少陽自受之風邪戒其不可吐下從總綱中分出一綱也第三節云傷寒脉弦細者以弦為少陽之本脉而細則為寒邪傷經之脉也頭痛發熱屬少陽者以少陽之脉上頭角而為痛少陽之火發於外而為熱此屬少陽自受之寒邪也不可發汗發汗則譫語者以少陽主樞而不主表若發表



汗則耗傷其津液以致胃不和而譫語故特申之曰此屬胃言  
所以運此樞者胃也胃和則愈胃不和則煩而悸者言胃不和  
能轉樞而病愈胃不和則手少陽三焦之火氣上逆而爲煩是  
少陽膽氣失職而爲悸也此少陽自受之寒邪戒其不可發汗  
從總綱中又分出一綱也但二者爲少陽自受之風寒而更有  
少陽轉屬之風寒又從總綱中續分出一綱第四節云本太陽  
病不解轉入少陽者轉入卽轉屬言少陽病自受外而又有轉  
屬之證也脇下鞭滿者以少陽之脉其直者從缺盆下液循胸  
過季脇也往來寒熱者以少居表裏之間進而就陰則寒退而  
從陽則熱也此三句爲少陽病大畧尚未吐下者以未經吐下

猶幸中氣之未傷也脉沉緊者以邪氣向內則沉太陽傷寒其  
 本寒與少陽火熱相搏則脉緊言外可悟太陽中風其標陽與  
 少陽相合則脉緩既人少陽無論傷寒中風皆為樞逆於內不  
 得外達均宜小柴胡湯達之故曰與小柴胡湯見汗吐下皆非  
 所宜唯此湯為對證之的劑也然而汗吐下三禁外又有溫  
 為尤忌第五節云若已吐下發汗溫鍼譴語柴胡湯證罷此為  
 壞病者承上節尚未吐下句而言庸醫誤行吐下且更發汗溫  
 鍼大傷中氣竭其胃液而譴語其脇下鞭滿乾嘔不能食往來  
 寒熱之柴胡湯證反罷胃壞全無樞象正與第三節所言屬胃  
 胃和則愈之背相反故特做之曰此壞病也知犯何逆以法治



之者言病無樞象斷不可用小柴胡之樞藥當知所犯何逆而  
救治之也且也自受轉屬誤治證各節既詳其義而合病之脈  
證不可不明傳經之同異不可不講欲已發解之日時不可不  
知曷言合病第六節云三陽合病脈浮大上開上但欲吐者  
以太陽之浮陽明之大二脈俱上於少陽之關上則二陽之氣  
不得少陽樞轉而俱行於陰故但欲眠寐也目合則汗者以關  
目爲陽合目爲陰陽氣乘日合之頃內行於陰則外失所衛而  
汗出也曷言傳經第七節云傷寒六七日無大熱其人煩躁者  
此爲陽去入陰故也蓋以七日來復於太陽太陽與少陰一腑  
一臟雌雄相應之道也若少陽病當太陽主氣之期樞有權則

外轉而出樞失職則內入而深去太陽至則身無大熱入少陽  
 則其人煩躁此表裏相傳之義也節八節云傷寒三日三陽為  
 盡三陰當受邪其人反能食而不嘔者此為三陰不受邪也盡  
 以三日為三陽之終太陰為三陰之首能食不嘔太陰不受邪  
 便知三陰俱不受邪此以次第相傳之義也曷言欲已之日節  
 九節云傷寒三日少陽脉小者為欲愈也言少陽本弦之脉轉  
 而為小小則病退其病欲已不但三陰不受邪也曷言欲解之  
 時第十節云少陽病欲解時從寅至辰上晝以少陽之氣旺於  
 寅卯至辰時上其氣已化陽氣大旺正可勝邪故也少陽全篇  
 止此十節而病之源流分合無有弗備治之經權常變無有弗



核熟讀而玩味之方知其妙

問人問曰少陽篇止十節夫子逐節引其原文析其疑義與各家之妄逞臆見及畫蛇添足者不同第有論無方學者無從摸索本篇中止於第四節云本太陽病不解轉入少陽者與小柴胡湯一方其實此方詳於太陽篇中與陽明篇各篇亦有之未可謂爲少陽之專方然則治少陽病將何從下手乎曰太陽篇傷寒五六日中風往來寒熱胸脇苦滿默默不欲食心煩喜嘔以此數證爲小柴胡之的證其餘兼証尚在或然或不然無定之閒統以小柴胡湯主之論中謂有柴胡證但見一證便是不必悉具卽此意也以下凡十五節皆證柴胡湯之證治不可



謂爲少陽之正方然少陽主風火之氣而所重在樞柴胡爲轉  
樞之藥故後人取之以爲和解之方汗下俱在所禁也然和解  
中亦兼及汗下時賢謂爲權變法大抵證兼太陽之表則宜兼  
汗證兼陽明之裏則宜兼下如柴胡加桂枝湯柴胡加芍藥湯  
柴胡桂枝湯等是也然寒熱遊行於外則有柴胡等法而寒熱  
互搏於中則爲痞嘔又有諸瀉心湯黃連湯黃芩湯等法柯韻  
伯論翼已詳言之至於少陽爲樞而所以運此樞者胃也小柴  
胡湯中之參棗是補胃中之正氣以轉樞柴胡龍骨牡蠣湯是  
驅中胃之邪氣以轉樞補正卽所以驅邪驅邪卽所以補正一  
而二之二而一之不可姑待其樞折而救治無及也且也黃芩





待初陽之氣初陽者少陽也乎少陽三焦之氣上逆則爲  
足少陽膽氣失職則爲悸凡少陽拒折之壞症必重用此藥  
以放之也

少陽寒熱往來病形見於外苦喜不欲病情得於內有苦喜欲  
三字非真嘔真滿真不能飲食也看往來二字即見有不寒熱  
時往來寒熱胸脇苦滿是無形之表心煩喜嘔默默不欲食是  
無形之裏其或胸中煩而不嘔或渴或腹中痛或脇下痞鞭或  
心下悸小便不利或咳者此七證皆偏於裏雖微熱爲在表皆  
屬於無形惟脇痛痞鞭爲有形皆風寒通證惟脇下痞鞭屬少  
陽總是氣分爲病非有熱實可據故從半表半裏之法治之



少陽為遊却其氣遊行三焦循兩脇腠理是先天真元之遊  
 氣正氣虛不足以固腠理却因其開得入其却少陽主膽為中  
 正之官不容邪氣內犯必與之相搏搏而不勝所以邪結脇下  
 也邪正相爭即往來更實更虛所以休作有時邪實正虛所以  
 然然不欲飲食仲景於表證不用人參此因邪正分爭正不勝  
 邪故用之扶元氣強主以逐寇也若外有微熱而不往來寒熱  
 是風寒之表未解不可謂之半表當小發汗故去參加桂心煩  
 與咳雖逆氣有餘而正氣未虛故去人參如太陽汗後身痛而  
 脈沉遲與下後協熱利而心下鞭是太陽之半表裏證也表雖  
 不解裏氣已虛故參桂並用是知仲景用參皆是預保元氣更



有脈證不合柴胡者仍是柴胡證本論云傷寒五六日頭汗出  
微惡寒手足冷心下滿口不欲食大便鞭脈細者此爲陽微結  
半在裏半在表也脈雖沉緊不得爲少陰病者陰不得有汗今  
頭汗出故知非少陰少可與小柴胡湯此湯微結之治法也夫  
陰不得有汗亦須活看然亡陽與陰結其別在大便亡陽則咽  
痛吐利陰結則不能食而大便反鞭也亡陽與陽結其別在汗  
亡陽者衛氣不固汗出必遍身陽結者邪熱閉結鬱汗止在頭  
也且陽微結者謂少陽陽微故不能食而大便鞭爲的證非若  
純陽結爲陽明陽盛以能食而大便鞭爲的證則陽結陽微結  
之辨又在食也故少陽之陽微結證欲與小柴胡湯必究其病

在半表然微惡寒亦可屬少陰但頭汗出始可屬少陽故反覆  
講明頭汗之我可與小柴胡而無疑也所以然者少陽爲樞  
陰亦爲樞故見證多相似必於陰陽表裏辨之真而審之確始  
可與一劑而瘳此少陽少陰之疑似證又柴胡證之變局也  
脇居一身之半故脇爲少陽之樞岐伯曰中於脇則下少陽此  
指少陽自病然太陽之邪欲轉屬少陽少陽之邪欲歸逆陽明  
皆從脇轉如傷寒四五日身熱惡風頭項強脇下滿者是太陽  
少陽併病將轉屬少陽之機也以小柴胡湯與之所以斷太陽  
之來路如陽明病發潮熱大便溏小便自可胸脇滿而不去者  
是少陽陽明併病比轉屬陽明之始也以小柴胡湯與之所以



開陽明之出路若據此次第傳經說必陽明而始傳少陽則當大便鞭而不當大便溏當曰胸脇始滿不當曰滿而不去矣又陽明病脇下鞭滿大便鞭而嘔舌上白胎者此雖已屬陽明而少陽之證未罷也蓋少陽之氣遊行三焦因脇下之阻隔台土節之治節不行水精不能四布故舌上有白胎而嘔與小柴胡湯轉少陽之樞則上焦氣化始通津液得下胃不實而大便自輸矣身濺然而汗出者是是一焦津液所化故能開發腠理熏膚克身澤毛若霧露之漑與胃中邪熱症不同故以小柴胡湯主之所謂樞機之象宜熟玩者也

傷寒醫訣串解卷三





閩長樂陳念祖修園著

受業姪道著纂集

東治林壽萱校註

太陰篇第四

太陰為濕土純陰之職也。病人太陰從陰化者多從陽化者少。

何謂太陰之邪從陰化傷寒論云。腹滿吐食自利不渴手足自溫。時腹自痛是也。宜理中丸湯主之。不愈宜四逆輩。

何謂太陰之邪從陽化傷寒論云。發汗後不解。腹痛急下之。宜大承氣湯是也。又曰腹滿時痛。屬太陰也。時痛者謂腹時痛時止。桂枝加芍藥湯主之。大實痛者大實痛者大便堅實而痛。桂枝加大黃湯主之。



內經云。太陰之上。濕氣治之。所謂本也。本之下。中之見也。見之氣。氣之標也。又曰。太陰從本。又曰。太陰爲開。又熱病論曰。四日太陰受之。太陰脉布胃中。絡於噎。故腹滿而噎乾。

傷寒論云。太陰之爲病。腹滿而吐。食不下。自利益甚。時腹自痛。若下之。必胸下結鞕。

按傷寒論太陰病脉證。只有八條。後人謂爲散失不全。及王叔和之變亂。而不知八條中有體有用。有法有方。真能讀者。則取之無禁用之不竭矣。所可疑者。自第一節提綱外。其第二節云。太陰中風證。四肢煩疼等句。言其欲愈之脉。而不言未愈時。何如施治。第三節云。太陰病欲解時。從亥至丑上。以太陰主開地。





闕於五故愈於其時也。第四節云太陰病脈浮者可發汗宜桂枝湯而不言脈若不浮如何施治。唯於第五節云自利不渴者屬太陰以其臟有寒故也。當溫之宜服四逆輩。曰輩者凡理中湯通脈四逆湯吳茱萸湯之類皆在其中。第六節云傷寒脈浮而緩手足自溫者繫在太陰。太陰當發黃若小便自利者不能發黃。至七八日雖暴煩下利。虛十餘行必自止。以脾家實腐穢當去故也。第七節云太陽病醫反下之因而腹滿時痛者桂枝加芍藥湯主之。大實痛者桂枝加大黃湯主之。第八節云太陰為病脈弱其人續自便利。設當行大黃芍藥為訓者宜戍之。以其人胃氣弱易動故也。此外並無方治以為少則誠少矣而不

知兩節兩出其方。大具經權之道。宜分兩截看。仲景所謂太陰證。與內經人傷於寒為熱病。腹滿噎乾證不同。提綱皆言寒濕為病。以四逆湯為治內正法。桂枝湯為治外正法。自第二節至第五節。一意淺深相承。不離此旨。所謂經也。此為上半截。第六節言傷寒脈浮而緩。手足自溫。十二句。意者太陰以中見為主。以上五節言不得中見之寒證。若中見太過。太陰濕土不與寒合。而與熱合。若小便利則不發黃。若暴煩下利。則腐穢當去。是常證之外。畧有變局。另作一小段。承上卽以起下。第七節言太陽病誤下。轉屬太陰。腹滿時痛。太實痛者。以桂枝加芍藥加大黃為主。治一以利太陰之經絡。變四逆輩之溫而為和法。變桂



枝湯之解外而爲通調內外法。是於有力處通其權也。二以  
胃相連不爲太陰之開。便爲陽明之閤。既閤而爲大寒痛不  
不借陽明之捷徑以去脾家之腐穢。要知提綱戒下。原因腹痛  
痛而言。此從正面審到對面以立法。又於暴煩下利。未  
止節言其愈。尙未言方。此從腐穢既下後。而想到不自下時之  
治法。是於無方處互明方意。以通權。此爲下半截總而言之四  
逆輩。桂枝湯及桂枝加芍藥。桂枝加大黃湯。皆大陰病之要劑。  
若不渴則四逆輩必須。若脈弱則芍黃等慎用。脈浮有向外之  
勢。桂枝湯之利導最宜。煩疼當未愈之時。桂枝加芍藥湯亦可  
通用。原文雖止八條。而諸法無有不具。柯韻伯等增入厚朴生



姜半夏甘草人參湯白散麻仁丸等方欲廣其用反廢其活法  
大抵未讀聖經之前先聞硬剝叔和之語謂非經文無不可以  
任意增減移易致有是舉耳

按沈堯封云太陰陽明俱屬上同主中州病則先形諸腹陽明  
爲陽土陽道寔故病則胃家寔而非滿也太陰爲陰土陰道虛  
故病則腹滿而不能實也凡風燥熱三陽邪犯陽明寒與濕二  
陰邪犯太陰陽邪犯陽則能食而不嘔陰邪犯陰則不能食而  
吐陽邪犯陽則不大便陰邪犯陰則自利證俱相反可認若誤  
下則胃中空虛客氣動隔在陽邪則懊懣而煩在陰邪則膈下  
結鞭倘再誤攻必致利不止而死此太陰病之提綱凡稱太陰



俱指腹滿言

按柯韻伯云。內經云。太陰脉布胃中。絡于嗑。故腹滿噎乾。此熱傷太陰。自陽部注經之證。非論中所云。太陰自病也。仲景以太陰自病為提綱。因太陰主內。故提剛中不及。中風四肢煩疼之表。又為陰中之至陰。故提綱中不及。熱病噎乾之證。太陰為開。又陰道虛。太陰主脾。所生病。脾主濕。又主輸。故提綱中主腹滿。時痛而吐利。皆是裏虛不固。濕勝外溢之證也。脾虛則胃亦虛。食不下者。胃不主納也。要知胃家不寔。便是太陰病。

傷寒醫訣串解卷四



此等醫者其病必重

金不不... 胃不... 胃氣不... 胃氣不... 胃氣不...

又... 胃...

素... 胃...

創... 胃...

功... 胃...

其... 胃...

其... 胃...



北京中医药大学图书馆版权所有

傷寒醫訣串解卷五

聞長樂陳念祖修園著

受業姪道著纂集

東治林壽萱校訂

少陰篇第五

少陰腎中水火同其邪為其經或從水化而為寒或從火化而為熱二症俱以脉沉細而發

為提綱

何謂少陰之邪從水化而為寒曰脉沉細而微但欲寐背惡寒口中和腹痛下利清穀小便白是也宜用回陽法而回陽中首重在溫劑又有交陰陽微發汗共成三法

少陰病寒邪始傷是當無熱而反發熱為太陽之標陽外呈脉沉為少陰之生氣不升恐陰陽內外不相接故以熱附助太陽



之表陽而內合於少陰麻辛啟少陰之水陰而外合於太陽  
景麻黃附子細辛湯非發汗法乃交陰陽法。已上言交陰陽  
法也。

少陰病自始得以至於二三日俱無裏症可知太陽之表熱非  
汗不解而又恐過汗以傷腎液另出加減法取中焦水穀之津  
而為汗則內不傷陰邪從表解矣仲景麻黃附子甘草湯變交  
陰陽法而為微發汗法。已上言微發汗法也。

手足厥冷吐利小便復利下利清穀內寒外熱脉微欲絕者宜四  
逆湯。

裏寒外熱面赤或腹痛或乾嘔或咽痛利止脉不出汗出而厥宜





通脉四逆湯

少陰下利宜白通湯利不止厥逆無脉乾嘔煩白通加猪膽汁湯  
主之服藥後脉暴出者死微續者生

汗下後不解煩躁者茯苓四逆湯主之

少陰病二三日不已至四五日腹痛小便不利四肢沉重疼痛自

下利此爲水氣宜真武湯

欬嘔小便利下利四症或有或無因症下藥當於淺注細玩之

少陰病得之二三日口中未其背惡寒者大陽之陽虛不與少陰

之君火相合當灸之

又身體痛君火之氣不能週遍於一身手足寒君火之氣不能



充○達○於○四○肢○骨○節○痛○君○火○之○神○去○不○能○遊○行○以○出○入○脉○沉○者○君○火○之○神○機○不○能○自○下○而○上○一○為○陽○虛○責○之○太○陽○之○陽○氣○虛○不○能○內○合○一○為○陰○虛○責○在○少○陰○之○君○火○內○虛○神○機○不○轉○皆○以○附○子○湯○主○之○

少○陰○病○吐○利○神○機○不○能○交○會○於○中○土○于○足○逆○冷○中○土○氣○虛○不○能○達○於○四○肢○煩○燥○欲○死○者○少○陰○神○機○挾○寒○而○逆○於○經○脉○心○脉○不○能○下○交○於○腎○則○煩○腎○脉○不○能○上○通○於○心○則○躁○吳○茱○萸○湯○主○之○已○上○用○溫○劑○法○也○

何○謂○少○陰○之○邪○從○火○化○而○為○熱○曰○脉○沉○細○而○數○但○欲○寐○而○內○煩○外○躁○或○不○卧○口○中○熱○下○利○清○水○小○便○赤○是○也○宜○用○救○陰○法○而○救○陰○中○



又有補正攻邪之異。

少陰病二三日咽痛者可與甘草湯不差與桔梗湯。

少陰病咽中傷生瘡不能語言聲不出者苦酒湯主之。

少陰病咽中痛半夏散及湯主之。

少陰病下利咽痛胸滿心煩者猪膚湯主之。

少陰病得之二三日以上心中煩不得卧黃連阿膠湯主之。

少陰病下利六七日咳而嘔渴心煩不得眠者猪苓湯主之。

少陰病二三日至四五日腹痛小便不利下利便膿血桃花湯主

之。已上皆以補正爲救陰法也。

少陰病得之二三日口燥舌乾者急下之宜大承氣湯熱淫於內。



因而轉屬陽明。胃火上炎。故口燥舌乾。急下之。穀氣下流。津液得升矣。

少陰病六七日。腹脹不大便者。急下之。宜大承氣湯。得病六七日。當解不解。津液枯涸。因轉屬陽明。故腹脹不大便。宜於急下者。六七日來。陰虛已極。恐土實於中心。腎不交而死也。

少陰病。自利清水。色純青。心下必痛。口乾燥者。急下之。宜大承氣湯。是土燥火炎。脾氣不濡。胃氣反厚。水去而穀不去。故宜急下。○已上皆以攻邪爲救陰法也。

內經云。少陰之上。火氣治之。所謂本也。本之下。中之見也。見之下。氣之標也。又曰。少陰從標從本。又曰。少陰爲樞。又熱病論曰。五日



少陰脈貫腎絡於肺繫舌本故口燥舌乾而渴。

傷寒論曰少陰之爲病脈微細但欲寐也。微者體薄而不厚也。爲

手少陰神病細者形窄而不寬也。爲足少陰精病病在陰則欲寐。

在陽則不得寐故曰但欲寐。此爲樞象。少陰證之總綱也。柯韻伯

云少陽爲陽樞少陰爲陰樞樞機不利故欲寐。與少陽喜嘔者


欲出陽主外也。寐者主入陰主內也。喜嘔是不得嘔欲寐是不得

寐皆在病人意中。得樞機之象如此。又云但欲寐卽是不得眠。然

但欲寐是病情。乃問而知之。不得眠是病形。可望而知之。欲寐是

陰虛不得眠是煩躁。故治法不同。不共四十四篇。

按少陰本熱而標寒其病或從本而爲熱化或從標而爲寒化。



與太陽一例第一節言微細之病脈但欲寐之病情兼水火陰陽標本寒熱而提其總綱也以下共四十四節皆本此而立論然他經提綱皆是邪氣盛則寔少陰提綱俱指正氣奪則虛以少陰爲人身之根本也所以第二節卽言上火下水虛而未濟第三節卽言外陽內陰虛而不交第四節第五節又言不可發汗第六節又就脈而言不可下無非着眼於虛之一字而以根本爲重也今再詳第二節原文云少陰病欲吐不吐心中煩但欲寐三句指初病時水火不濟已具樞病之象又云五六日自利而渴屬少陰也並故引水自救四句方指出五六日爲少陰主氣之期火不下交則自利水不上交而作渴屬少陰之虛爲




寒○熱○俱○有○之○症○又○云○若○小○便○色○白○者○少○陰○病○形○悉○具○小○便○白○者○  
以○下○焦○虛○有○寒○不○能○制○水○故○令○色○白○也○六○句○分○出○小○便○色○白○始  
爲○少○陰○陰○寒○之○病○形○悉○具○言○外○見○少○陰○熱○化○之○病○邪○熱○是○以○消  
水○其○小○便○必○赤○此○寒○熱○之○幾○微○當○辨○也○其○第○三○節○原○文○云○病○人  
脉○陰○陽○俱○緊○反○汗○出○者○亡○陽○也○此○屬○少○陰○四○句○以○諸○緊○爲○寒○陰  
不○得○有○汗○今○反○汗○出○此○屬○少○陰○陰○盛○於○內○陽○亡○於○外○陰○陽○不○交  
之○故○也○又○云○法○當○咽○痛○而○復○吐○利○二○句○以○陰○陽○不○交○則○陽○自○陽  
而○格○絕○於○外○其○咽○痛○爲○假○熱○之○象○陰○自○陰○而○獨○行○於○內○其○吐○利  
爲○真○寒○之○證○此○寒○熱○之○真○假○當○分○也○其○第○四○節○原○文○云○少○陽○病  
茲○而○下○利○譫○語○者○被○火○氣○劫○故○也○小○便○必○難○以○強○責○少○陰○汗○也

六○句○言○少○陰○上○欬○下○利○之○證○被○火○則○精○竭○神○越○而○譫○語○小○便○必○  
難○戒○其○勿○發○少○陰○汗○慮○其○虛○也○其○第○五○節○原○文○云○少○陰○病○脉○沉○  
細○數○病○爲○在○裏○不○可○發○汗○三○句○言○少○陰○自○有○表○裏○脉○沉○而○發○熱○  
爲○少○陰○表○有○麻○黃○附○子○細○辛○湯○法○脉○細○而○沉○數○而○不○發○熱○爲○少○  
陰○裏○不○可○發○汗○其○第○六○節○云○少○陰○病○脉○微○不○可○發○汗○亡○陽○故○也○  
陽○已○虛○尺○脉○瀯○弱○者○復○不○可○下○之○六○句○言○脉○微○爲○亡○陽○不○可○發○  
汗○以○傷○陽○若○兼○見○尺○脉○弱○瀯○爲○亡○陰○更○不○可○復○下○以○傷○陰○自○第○  
二○節○至○此○皆○着○眼○於○虛○字○一○字○以○立○論○也○請○再○言○欲○愈○之○證○第○  
七○節○大○旨○以○脉○緊○爲○寒○至○七○八○日○緊○去○而○發○煩○自○下○利○脉○微○于○  
足○溫○此○少○陰○之○寒○得○陽○明○之○熱○爲○戊○癸○之○合○化○而○愈○也○第○八○節



太。肯。下。利。自。止。得。于。足。溫。之。吉。候。雖。惡。寒。踈。臥。而。可。治。以。其。得。  
中。土。之。氣。而。愈。也。第。九。節。提。出。自。頌。欲。云。衣。被。雖。惡。寒。而。踈。可。  
治。以。得。君。火。之。氣。而。可。治。也。第。十。節。少。陰。中。風。風。爲。陽。邪。陽。寸。  
應。浮。陰。尺。應。沉。大。肯。以。陽。得。而。外。邪。不。復。入。陰。得。浮。則。內。邪。  
從。外。出。而。欲。愈。言。外。見。中。風。而。可。推。及。傷。寒。矣。第。十。一。節。言。少。  
陰。病。欲。解。時。從。子。至。寅。時。上。二。句。指。出。陽。生。於。半。子。而。病。解。並。  
結。上。數。節。少。陰。得。陽。則。解。之。義。也。雖。貴。得。陽。陽。者。太。陽。之。標。陽。  
也。既。知。得。標。陽。之。熱。化。則。生。亦。當。知。熱。化。太。過。而。亦。成。病。第。十。  
二。節。云。少。陰。病。吐。利。手。足。不。逆。冷。反。發。熱。者。不。死。言。少。陰。而。得。  
太。陽。之。標。陽。也。又。云。脈。不。至。灸。少。陰。七。壯。言。不。得。太。陽。標。熱。之。

化而下陷。灸之以啟在下之陽也。第十三節云：少陰病八九日，一身手足盡熱者，以熱在膀胱，必動便血也。言少陰熱化太過，移於膀胱，膀胱主外，為一身發熱，膀胱為胞之室，胞為血海，熱邪內干而為便血也。第十四節云：少陰病，但厥無汗，熱化太過而行於裏而為厥，而強發之，必動其血，未知從何道來，或從口鼻，或從目出，是名下厥上竭，為難治。言少陰熱化太過而厥，誤汗反增其熱，蓋主內經厥論起於足下，以陽氣起於足五指之裏，今誤發少陰汗，激動少陰熱化之邪，自下逆上，名曰厥少陰，原為少血之藏，動其陰血而脫出，名曰上竭，為難治之證。若夫不得太陽標陽，則為陰寒之症，不止難治而為不治之死證。自



第十五節以及第二十節各有妙義。第十五節云少陰病惡寒身踈而利手足逆冷者不治。蓋以少陰之脈起足心至俞府行身之前外呈而爲寒內陷而爲利。真陽絕不行於手足而爲逆冷。此言少陰之寒不得太陽標陽之死證也。第十六節云少陰病吐利躁煩四肢逆者死。蓋以少陰上下水火陰陽之氣全賴中土以交合。今吐利以躁煩陰陽水火之氣頃刻離去四肢逆冷。土氣已絕。此言少陰不得中土之交之死證也。第十七節云少陰病下利止而頭眩時時自冒者死。蓋以陰竭於下而利止陽亡於上而眩冒爲死證。利不止而眩冒更爲死證。言陰陽不得倚附也。第十八節云少陰病四逆惡寒而身踈脈不至不煩

而躁者死。此言少陰有陰無陽之死證也。第十九節云：少陰病六七日，息交者死。此言少陰生氣上脫之死證也。第二十一節云：少陰病，脈微細沉，但欲臥，汗出不煩，自欲吐。此十一字為一證。言少陰陰寒恒有之脈證也。其二云：至五六日自利復煩，不得臥寐者死。此十五字又為一截。少陰病以五六日為生死之關。若至五六日云云，是真寒反為假熱，陽被陰迫而飛越。此言少陽陽氣外脫之死證也。自章首至此，凡二十節論少陰證之全體已備，但未詳其標本。寒熱陰陽水火神機樞轉上下出入之理。自二十一節至四十二節發明其旨，而並出其方。讀者不可一字放過。此又少陰之大用也。曷言標本？少陰標寒而本熱，與



大陽本寒而標熱為雌雄表裏之相應。二十一節云少陰病始

得之反發熱脈沉者麻黃附子細辛湯主之。言少陰脈沉不當

發熱。今反發熱是太陽標陽陷於少陰而為熱宜以此湯交和其內外也。

二十二節云少陰病得之二三日麻黃附子甘草湯微發汗以

二三日無裏證故微發汗也。言二三日值少陽主氣之期陰樞難

陽樞之力可用此湯微發其汗又申之曰以二三日無少陰之

裏證止見太陽之表證故也。要知太陽陽虛不能主外內傷少

陰之氣便露出少陰底板少陰陰虛不能主內。外傷太陽之氣

便假借太陽之面目。所以太陽病而脈反沉用四逆以急救其裏少陰病而表


反熱用麻辛以微解其表。此表裏輕重兩解法也。故始得之不



發汗得之二三日微發汗。用細辛非發汗用甘草乃發汗。此會  
 不可與淺人語也。然二十一節二十二節合臟腑雌雄而淺淺  
 言之。二十三節二十四節二十五節。就少陰本經分標本兩對  
 待言之。其云少陰病得之二三日以上。心中煩不得臥。黃連阿  
 膠湯主之。言少陰本熱之病。二三日隨三陽主氣之期而化熱。  
 此少陰本熱之證也。其云少陰病得之二三日。口中和。其人背  
 惡寒者。當灸之。附子湯主之。言少陰君火之用。弗宣病在上焦  
 陽中之陽。為虛陽。其云少陰病。身體痛。手足寒。骨節痛。脈沈者。  
 附子湯主之。言少陰生陽之氣不用。病在下焦。水中之陽。為陰  
 虛。空以附子湯。面面俱到。此少陰極寒之證也。然亦本熱之證。



不病無形之氣化而病有形之經脈者二十六節云少陰下利  
便膿血者桃花湯主之二十七節少陰病二三日至四五日  
嘔痛小便不利便膿血者桃花湯主之二十六節云少陰病下  
利便膿血者可刺此言本熱病在經脈者宜用石藥而清其邪  
門刺法便膿血亦熱入血室之義也又有標寒之證病發於手  
足之少陰而其本於陽明之中土者二十九節云少陰病吐利  
手足厥冷煩躁欲死者以茱萸湯主之此從少陰而歸重到陽  
明以百病皆以胃氣爲本傷寒證重之少陰證尤重之總結上  
文數節之義少陰證雖有標本寒熱之不同而着眼不離乎此  
首節至此作一大段讀然而少陰上火下水而主樞也主樞則



旋轉無有止息第三十節云少陰病下利火不下交咽痛水不上

而上胸滿心煩者上下神機樞轉不猪膚湯主之此上中而合

言也第三十一節云少陰病二三日咽痛者少陰之脈循咽喉

甘草湯不差者與桔梗湯此言水不上交而為痛也第三十二

節云少陰病咽中傷生瘡不能語言聲不出者若酒湯主之此言水

不上交甚則兼及於肺而宜斂也第三十三節云少陰病咽中

痛半夏散及湯主之此言水不上交正治不愈者宜用灸治之

法也此數節承第三十節咽痛立論為少陰上火作一極也下

利為少陰證下水之一極自三十四節至三十七節皆言水火

不交則水中無火火失閉藏之職至三十八節變回陽之法為





和解三十九節變辛溫之法爲油利而推言中焦不輸之下利  
言其常亦不遺其變俱補出少陰主樞之義今試再詳之第二  
十四節謂少陰病下利白通湯主之示少陰下利以此爲專方  
第三十五節謂少陰病下利脈微者與白通湯利不止散逆無  
脈乾嘔煩者白通加豬膽汁湯主之服湯脈暴出者死縱續者  
生此言寒盛驟投熱藥而拒格必取熱因寒用之法也第三十  
六節謂少陰病二三日不已至四五日腹痛小便不利四肢沉  
重疼痛自下利者此爲有水氣其人或欬或小便利或下利或  
嘔者真武湯主之此言水中無火則土虛不能制水此爲有水氣  
五字最重爲少陰之側面文章非白通四逆之爲正面文章也



第三十七節謂少陰病下利清穀裏寒外熱手足厥逆脈微欲  
絕身反不惡寒其人面赤色或腹痛或乾嘔或咽痛或利止脈  
不出者通脈四逆湯主之此言內真寒而外假熱爲少陰之正  
面文章又爲四逆證之進一步文章也自三十節至三十一  
第三十節下利立論爲少陰證下利作一編也第三十八節謂  
少陰四逆其人或欬或悸或小便不利或腹中瀉或泄利不重  
者四逆散主之此承四逆不專主於虛寒復設和解一法以示  
變動不居之意所以暗補出主樞之義也第三十九節謂少陰  
下利六七日欬而嘔渴心煩不得眠者猪苓湯主之此承下利  
雖屬於下焦至六七日寒變爲熱而氣復上行病見欬嘔渴煩



不眠等證。所謂下行極而上。復設一清利法。遵經旨。邪氣自

下而上者。仍須從下引而出之。亦所以暗補出主樞之義也。觀

上第三十節。全節大意。主樞作一槲也。所以然者。少陰為性命

之根。病有水火之分。治若焚溺之救。稍遲則不可挽矣。第四十

節云。少陰病得之二三日。口燥舌乾者。急下之。宜大承氣湯。此

言少陰君火亢於上。不戢將自焚也。第四十一節云。少陰病。身

清。水色純青。心下必痛。口乾燥者。宜大承氣湯。此言少陰君火

亢於上。加以木火煽之一水。不能勝二火。而立竭矣。第四十二

節云。少陰病六七日。腹脹不大便者。急下之。宜大承氣湯。此言

少陰君火不能從樞而出。逆於地中。而為脹。即內經所謂一息



不運則鍼機窮必急下。以運少陰之樞而使轉也。少陰三急水證宜於淺注而熟玩之。又有二急溫症。第四十三節云少陰病脈沉遲者急溫之。宜四湯言少陰為性命之根起首脈沉預知已伏四逆並利煩躁之機。即易履霜堅冰至立義。蓋於人所易忽者獨知所重而急治之也。第四十四節云少陰病飲食入口則吐心中溫溫欲吐復不能吐。陰寒拒格不始得之手足寒脈絡露出樞象弦遲者此胸中實不可下也。當吐之。借胸中實可吐證跌出急溫症若膈上有寒飲乾嘔者不可吐也。急溫之宜四逆湯。此於少陰陰氣上瀦寒飲不同於胸實。蓋人所搖移者得所獨斷而急治之也。究而言之少陰重在救陽而真陰亦不可傷。第四十五節云少陰病



不利脈微

陽虛瀦虛

嘔而汗出

陽虛則陰寒上逆而為嘔必數更

衣反少者

七字是一節之眼目陽虛則陰不內守而汗出必數更

當溫其上炙之言當炙百

會一穴以溫其上不可偏溫其下以灼真陰言外見對待之陰

陽分而為兩互根之陰陽合而為一也少陰篇文字空靈幻變

不可方物老子其猶龍矣乎





傷寒醫訣串解卷六

問長樂陳念祖修園書

受業姪道菽纂

東治林壽堂校訂

厥陰篇第六

厥陰為風木之賦從熱化者多從寒化者少以木中有火故也

何謂厥陰症傷寒論云厥陰之為治病渴火盛氣上撞心氣逆而

火逆也心中疼熱火邪入心飢火能消物也而不欲食木剋土

也食則吐蛇虫為風化一聞食臭則止入於隔而吐出下之利

不止誤下傷胃氣是也厥陰為兩陰交盡宜無熱症然厥陰主

一肺而膽藏於內則厥陰熱症皆少陽之火內發也要知少陽厥

陰同一相火相火鬱於內是厥陰病相火出於表為少陽病少



北京中醫藥大學圖書館藏

陽咽乾卽厥陰消渴之機胸脇苦滿卽氣上衝心之兆心煩  
疼痛之初不欲食是飢不欲食之根喜嘔卽吐蛇之漸故少陽  
不解轉屬厥陰爲病危厥陰病衰轉屬少陽爲欲愈

烏梅丸爲厥症之總方吐蛇久利者尤宜

病初起手足厥冷脈微欲絕宜當歸四逆湯有久寒加生姜吳茱  
酒水各半煎以相火寄於肝經雖寒而厥故先厥者後必發熱  
手足愈冷肝膽愈熱故云厥深熱亦深也姜附不可妄投

脈結者脈緩時一止曰結活人云陰盛則結代者一臟氣敗其脈  
動而中止不能自還而他臟代之心動悸心氣不寧炙甘草湯  
主之按他經亦有此症是陽氣大虛虛極生寒非姜附肉桂不





爲功。若用此藥，是速其死也。惟厥陰症，肝中之相火木少，陽之生氣而少，陽寔出坎中之真陰，卽經所謂陽予之正陰。公之是也。

按前言表證而手足厥逆，此言裏証而脈結代，雖爲厥陰寒化，終不用姜附大熱之品，以厥陰之臟相火遊行於其間故也。

脈微欲絕不可下。若脈滑而厥，是內熱鬱閉，所謂厥應下是也。下之，是下其熱，非下其實。泄利下重者，四逆散欲飲水數升者，白虎湯皆所以無形之邪也。若以承氣下之，利不止矣。熱利下重者，白頭翁湯主之。下利欲飲水者，熱也，白頭翁湯主之。



以上治熱化之法也

厥者必發熱。熱與厥相應。熱深厥亦深。熱微厥亦微。此四症是厥。

陰傷寒之定局。先熱後厥。厥熱往來。厥多熱少。熱多厥少。此四

證是厥陰傷寒之變局。皆因其人陽氣多少而然。

乘脾乘肺二症宜辨。

曰傷寒腹滿。經云諸腹脹大皆屬於熱。此由肝火也。護諸經云肝

氣盛則多言。寸口脈浮而緊。緊即弦脈。此肝乘脾也。名曰縱刺

期門。

曰傷寒發熱。熱齋惡寒。肺主皮毛。因無頭痛。項強。非屬太陽病。為

肺虛渴。欲飲水。無白虎證之欲飲。亦為肺虛。腹滿無承氣證。因



肺虛不能通調水道。此肝乘肺也。肺金虛不能制木。肝寡於義。侮所不勝也。名曰橫刺期門。肝有亢火。隨其實而瀉之。

傷寒陽脈瀆陰脈弦。法當腹中急痛。此亦肝乘脾也。先與小建中湯。

湯平肝以補脾不差者。中氣虛而不振。邪尚流連與小建中湯。

至之令木邪直走少陽。使有出路。所謂陰出之陽則愈也。

傷寒厥而心下悸者。宜先治水。當服茯苓甘草湯。却治其厥。不爾。

水洩入胃。必作利也。此亦肝乘脾也。雖不發熱。亦木實金虛。

水氣不利所致。上節腹滿。是水在中焦。故刺期門以泄其實。此。

水在焦上。故用茯苓甘草湯以發其汗。此方化水為汗發散內。

邪之劑。即厥陰治厥之劑也。



內經云厥陰之上風氣治之所謂本也本之下中之見也見之  
氣之標也又曰厥陰不從標本而從中見也又曰厥陰為閉又熱  
病論曰傷寒六月厥陰受之厥陰脈循陰器而絡於肝故煩滿而  
囊縮厥陰本氣逆火氣盛故煩滿循陰器故囊縮

蓋厥陰以風木為本以陰寒為標中見少陽厥陰為陰極故本

從標本而從中見也本論以厥自得之陰病為提綱故先日消

渴氣上撞心中疼熱飢而不飲食食則吐衄下之利不止等

證然必合之外證有厥熱往來之氣化或嘔或利方為真厥陰

其餘或厥或利或嘔內無氣上撞心中疼熱等證皆似厥陰

而非厥陰也其云消渴者消為風消渴為木火上熏也其云氣



上撞心者木氣上凌心色也。其云心中疼熱者，是其氣甚，卽爲火。火甚卽生熱，陰血受灼，不足榮養筋脉，故筋脉不舒而疼。胃液受灼，故旣其云欲欲食者，是木氣橫逆也。其云食則吐，吐者，虺感風木之氣而生，聞食臭則出，濕熱腐成，屈於胃底，則食則動，胃寒則出，胃熱亦出，下之利不止者，陰寒在下也。二節一節云厥陰中風脉微浮而欲愈，不浮而未愈，陰經受邪，脉當沉細。今反浮者，以風爲陽耶。元氣復而邪將散，故脉見微浮。不浮則邪深入，不外散，故爲未愈。二節言欲愈之時，蓋少陽旺於寅卯，鮮於此詩者，中見少陽之化。三節厥陰陰之極，渴欲飲水，水爲天一所生之水，以水濟火，陰陽和氣，而病自愈。提綱後止此三

節提厥陰病其餘傷寒則曰曰厥曰下利而不明言厥陰病  
 厥陰從中見而不從標本也三章一節曰諸四逆厥者不可  
 之虛家亦然總起下文諸節厥逆之意亦以承上文下利不可  
 止夫四逆厥者咸藉生陽來復故不可下非特陽氣虛也邪  
 直入即熱深者亦間有之熱盛於內內守之真陰被燉幾亡不  
 堪再下以竭之故申其戒曰氣血兩虛之家即不厥逆亦不可  
 下也二節言陰陽寒熱互換之理厥陰傷寒先厥後發熱而利  
 必自止厥不再作利亦不再下若見厥則復利三節言熱勝復  
 之理而重歸於胃氣也凡厥利當不能食今反能食者恐中氣  
 除去求救於食當以索餅試之若胃氣能勝穀氣而相安則不



暴然發熱。恐暴熱來驟而去速也。本發熱六日。厥反九日。復發。

熱三日。熱與厥無太過不及。故期且日夜半愈。若再發熱三日。

兼之脈數。此中見太過熱氣有餘。必發癰膿也。總之厥利。轉為

發熱。乃屬愈期。仲師不是要其有熱。要其發熱。而厥利止。厥利

止而熱亦隨罷。方為順候。若熱氣有餘。則傷血分。而化而如膿。

之膿。非發癰也。數脈為熱氣有餘。遲脈為寒氣不足。傷寒六七

日。陰盡出陽可整。其陽復與黃芩湯復除其熱。熱除內外皆寒。

腹中應冷。當不能食。今反能食。此中氣已除。必死。此節因脈數

而推及脈遲。反覆以明其義。五節言熱火太過。火熱下行。則便

膿。血火熱上升。則熱痛。而為喉痺。隨其經氣之為下而為病也。




傷寒先厥後發熱。下利必自止。而反汗出。陰液泄於外。而火熱  
炎於上。必咽中痛。其喉爲痺。發熱無汗。而利必自止。發熱而利。  
而利不止。則陽熱恒下。必便膿血。火熱下行。故其喉不痺。利亦  
節。遙承諸四逆厥。有不可下。恐泥其證也。傷寒一二日至四五  
日而厥者。必發熱也。是先厥後發熱也。前熱者。後必厥。是先熱  
後厥。厥之日期深。有則發熱亦深。厥之日期微者。則發熱亦微。  
厥應下之前。不可指承氣等方。此應下熱證。輕有四逆散。重  
有白虎湯。寒症有烏梅丸是也。沈蕤封云。厥陰乃正邪分爭。一  
大往來寒熱。厥深熱深。厥微熱微。言寒熱輕重。其常理論。其有  
不然。亦以決病之進退矣。厥陰爲三陰之盡。病及此。必陰陽錯。





雜厥陰肝木於卦一陽居一陽之下是其本象病則陽泛於上  
陰伏於下而下寒上熱之證作矣其病入寒虵上入膈疑下之  
之證據也消渴心中疼熱是上熱之證據也况厥者逆也下氣  
逆卽是孤陽上泛其病多少升降凡吐虵氣上撞心皆是過升  
之病治宜下降其道上下之陽取內經高者抑之之義其下之法  
非必硝黃攻也是熱方爲下劑卽烏梅湯一方已具方中無論  
黃連烏梅黃柏苦酸鹹爲下降藥卽附子直達命門亦莫非下  
降藥也下之而陽伏於下則陰陽之氣順而厥可愈倘誤認爲  
外寒所束而反發其汗則心中疼熱之湯盡升於上而口傷爛  
亦矣以厥陰之脈循頰裏環唇內故也七節言厥熱相應陰陽



平當自愈八節云凡厥者陰陽氣不相順接便為厥厥者手足  
 逆冷是也。觀以凡字冠首不獨言三陰之厥並該寒熱之厥在  
 內矣。蓋陽受氣於四肢陰受氣於五臟陰陽之氣相貫如環無  
 端若寒厥則陽不與陰相順接熱厥則陰不與陽相順接也。  
 曰陰不與陽相順接當四肢煩熱何反逆冷也。不知陽邪執於  
 八陽氣壅過於裡不能外達於四肢亦為厥豈非陰與陽不相  
 順接之謂乎。九節以惟無陰之之藏厥托出陰陽不和之藏寒  
 為虵厥傷寒脈微而厥至七八日膚冷其人躁無暫安時者此  
 為藏厥夫少陰水火不交則為煩躁若真陽欲脫則但躁不煩  
 此厥陰之但煩不躁者不同虵厥者其人當吐虵今病者靜而



復時煩。此爲藏寒。虬上入膈。故煩。澁與復止得食而嘔。又煩者。虬聞食臭。出其人當自吐。虬厥者。烏梅丸主之。又主久利。方吐。虬言其常不吐。虬而嘔。煩風木之動。亦可以吐。虬例也。金匱云。腹中痛。其脉當沉。而弦。金反洪。大故有虬蟲。虬蟲之病。令人吐涎。心痛發作。有時。毒藥不止者。甘草粉密湯主之。蓋腹痛脉多伏。陽氣內閉。或弦則邪氣入中也。今反洪大。是虬動而氣厥也。吐涎。吐出清水。心痛。痛如咬啣。時時上下也。虬飽而靜。其痛立止。虬既而食。其痛復發也。十節十一節言厥陰必藉少陽少陰之樞轉。樞轉不出。逆於陰絡。而便血。樞轉不出。逆於膀胱。閉元而爲冷結。厥陰傷寒。熱少厥微。指頭寒。默默不欲食。煩躁數。



日小便利。下利色白。此熱除。欲得食。其病爲愈。若少陰樞轉。不出。故厥而嘔。少陽樞轉。不出。胸脇煩滿者。陰陽並逆。不得外泄。內傷陰絡。其後必便血。熱邪內陷。爲便血。寒邪內陷。則手足厥冷。言我不結胸。胸在上。而主陽。腹在下。而主陰。各從其類。故少腹滿。以厥陰之脈。過陰器。抵生根。按之則痛。此冷結在膀胱。關元也。十二、十三節言陰陽勝負。可以日數之多寡。驗之。厥少熱多。陽氣大過。陰血受傷。其後必便血。以厥陰主色。絡而主血。寒多熱少。陰氣盛而陽氣退。其病爲進。人之傷於寒。則爲熱病。熱雖甚不死。是傷寒以熱爲貴。然不及者病熱。太過者亦病。故此兩節論寒熱之多少。以明不可太過與不及也。仲師以熱多爲

病愈厥多爲病進者是論病機之進退以厥爲熱邪向內熱爲  
熱邪向外非外來客熱向外爲退向內爲進也故熱多爲病邪  
向愈之機不是病邪便愈之候所以縱有便膿血之患而辨進  
榮陰與熱深厥逆者仍有輕重也厥陰有不治之死證不可不  
知傷寒六七日脈微手足厥冷虛陽在上不得下交於陰故煩  
真陰在下不能上交於陽故躁此陰陽水火不交宜灸厥陰以  
啟陰中之生陽而交會其水火若厥不還則陽氣不復陰氣垂  
離故死厥不還者死則知發熱爲厥陰之生機然發熱亦有三  
者爲死證傷發熱當利止而反下利身雖熱而手足反見厥逆  
孤陽外出獨陰不能爲之守更加踈不得臥陰盛格陽士死傷



傷寒論卷之六  
寒發熱下利至甚厥不止者卽無躁不得卧亦主死金匱云六  
府氣絕於外者手足寒五藏氣絕於內者利下不禁藏府氣絕  
主死傷寒六七日不利若發熱而渴汗濺濺而微利是陽復之  
症倘熱汗下三日一時並見乃真陽之氣虛脫於內爲利溲散  
於外者爲執發熱於上而爲汗主死亡陽有死證亡陰亦有死  
證傷寒五六日不傷於氣而傷於血故不結胸不結胸則腹亦  
不硬而濡更傷於血則脉虛血虛於內不能與陽相接於外故  
手足復厥厥不爲熱深而爲亡血下之愈亡其陰故死發熱而  
厥至六七日氣已週來復於太陽則應止今不爲不止而反下  
利陰盛雖未至於死亦爲難治五章凡八節皆論厥証有寒有

熱有虛有寔也。陽盛則促，雖手足厥逆，亦是熱厥。忌用火攻。然有陰盛之極，反假現數中一止之促，但陽盛者重按之，指下有力量。陰盛者指按之，指下無力。傷寒脈促，知其陽盛之假，手足厥冷，知其陰盛之真。可以厥陰并榮經俞等穴，灸之以散其陰。下之陽，此厥陰症之寒也。傷寒脈滑而厥者，陽氣內鬱，不能外達。外雖厥而裏有熱，白虎湯主之。脈微而厥者，寒厥。脈滑而厥者，熱厥。陽極似陰，全憑脈以辨之。然必煩渴引飲，不大便，乃為裡有熱也。經脈流行，營周不息。經血虛少，不能流通暢達，手足厥寒，脈細欲絕者，當歸四逆湯主之。若其人內有久寒，加吳茱萸、生姜、厥陰肝藏藏榮血，以應肝木。膽府內寄風火，同原苟非寒邪。



內犯一陽生氣欬寂者不得用大辛大品之品以擾動風火。不  
北少陽爲寒水之臟其在經之邪可與麻辛附子合用。是以雖  
有久寒不現陰寒內犯之候。當加生姜以宣泄。不取乾姜之溫。  
中加吳萸以苦降。不取附子之助火。分投經治法律。精嚴學者  
所當則做也。經脈內虛而厥。有當歸陽逆湯之治。而陽虛之候  
反作假熱。又當何如。大汗出。謂如水淋漓。熱不去。謂熱不汗爲  
衰。蓋言陽氣外泄。寒邪獨盛。表虛邪盛。勢不失和。有內拘急。四  
肢疼之症。再見下利。厥逆陰寒內盛。惡寒陽氣大虛。故用四逆  
湯。溫經復陽以消陰翳。大汗身熱。四肢痛。皆是熱邪爲患。而仲  
師便用四逆湯者。以外有厥熱惡寒之症。內有拘急下利之候。



陰寒露則知汗出爲陽氣外亡身熱由虛陽外洩肢冷爲陽

氣內脫其便症又只在惡下利寒總之仲陽辨陽症以惡熱不

不便爲裡寔上節陽虛有假熱此節陽虛無假熱大汗者未下

利而厥冷者四逆湯主之汗而云大陽氣亡於表下利云大陽

氣亡於裡加以厥冷何不列於死症玩本文不言五六日六七

日可知乃陰寒驟中邪氣雖盛正氣初傷急溫正氣猶能自復

故用四逆湯勝寒毒厥瀕危回陽氣於將絕汗利止厥回可望

生全不因汗下而厥冷用當歸四逆湯因汗兩而厥冷用四逆

湯此緩急之機也此症無外熱相錯爲陰寒之證易明然云

大汗大下則陰津亦亡此際救陽爲急陽回亦當徐救其陰也



亦有因痰水而致厥者。病人無他證，手足厥冷，四肢受氣於胸中，因痰飲結聚，斯不能通貫於四胡脈。乍緊者，大脈怪變，無常。木緊而忽緊，忽緊而又不緊，邪結在胸中。胸者，心主之宮城，心爲邪礙，心下滿而煩，飢不欲食，病在胸中，當須吐之。宜瓜蒂散，卽內經所謂高者引吐，越之之意。再言水厥，傷寒厥而心下宜先治水，當服茯苓甘草湯，却治其厥，不爾水漬八胃，必作利也。此厥陰病，預防下利之法。病至厥陰，以陽升爲欲愈，邪陷爲危機。厥而下利，則中氣不守，邪愈內陷。此條厥而心下悸，水邪乘心，心陽失御，見此則治厥爲緩，而治水爲急，何也？厥猶可從發熱之多少以審進退之機，水必趨於下，而力能牽陽下墜，故

也傷寒五六人。大下後寸脈沉而遲。手足厥冷。下部脈不至。咽不利。唾膿血。利不止。爲難治。麻黃升麻湯主之。寸脈氣口也。氣口獨爲五藏主。胃陽衰而寸脈沉遲也。四肢爲諸陽之本。陽虛故手足厥冷。下後陽虛。故下部脈不至。下寒則熱迫於上。故咽喉不利。而吐膿血也。卽前所謂厥後無不瀉者。必便膿血。熱熱氣有餘。必口傷爛赤。泄利不止。寒邪在下。正虛邪寔。陰盛陽衰。寒多熱勝。表裏錯治。寒則遺其熱。治熱則遺其寒。補虛必助其寔。瀉寔必虛其虛。誠爲難治。六章十八節皆統論厥陰。下利有寒熱虛實陰陽生死之不同。傷寒五六月腹中痛。若轉氣下。起少腹者。厥陰寒陰內合太陰。由太陰而仍歸厥陰。下而不

上此欲自利也。傷寒本自寒下，醫腹吐下，寒格更逆吐下，若食入口即吐，乾姜黃連黃芩人參湯主之。其人本從於寒而下利，復吐下之下，因下而愈寒，上因吐而愈熱，寒熱相阻而成格症，非寒熱相結而成痞症，不食則不吐，是心下無水，故不用姜夏以乾姜辛溫除寒下而辛芩又能開格納食也。下利有微熱而渴脈弱者，今自愈，此言得中見之化也。下利脈數有微熱汗出，今自愈，設得緊得厥陰之氣矣，故爲未解。下利手足厥冷無脈者，陽陷下不得續行於手足，又不能充達於經脈也。灸之不溫，若脈不還，反微喘，是根氣絕於下，陽氣脫於上，故死。少陰負跌陽者爲順也。負承也。跌陽乃陽明胃脈，古少陰之氣得上承陽。

明則陰氣生而還脈陽氣復而得溫故爲順也。下利陽氣下陷其脈當沉。陰氣內盛其脈當遲。今不沉遲而寸脈反浮。救是熱傷心危。尺中自濇者下利陰血虛也。陽盛血虛迫血下行必清膿血。上節言陰盛傷寒此節言陽盛傷陰。下利清穀藏氣泄寒不可攻表。汗出則表陽外虛。裏陰內結故必脈滿。經云藏寒下滿病下利脈沉弦則少陽初之氣下陷下重是火邪下逼若陽熱甚而脈大而非初陽之脈象爲未止脈微弱爲陰數爲陽乃陰中有陽爲欲自止內經有身熱則死之說而此得少陽中見之化爲陰出陽雖發熱不死厥陰陰寒下利脈沉而遲其人面少赤三陽之氣上循面頭陽格於上喜得少陽之熱化身有微


熱然而下利清穀者厥陰之標陰全陷於下陽熱在上陰寒在  
下兩不相接唯取少陰篇大方救之從陰出陽必鬱胃浮出而  
鮮病人必微厥所以然者其面戴陽下虛故也下利脈數而渴  
者今自愈設不差必清濃血以有熱故也言當愈不愈必熱傷  
心包絡而使濃血申明所以便濃血者以脈數而渴內有熱故  
也下利後脈絕下焦生氣不升手足厥冷中焦土氣不和脾時  
環轉一周脈還手足溫者中土之氣將復復能從中焦而注於  
手太陽故生脈不還者中土已敗生氣已絕雖手足不逆冷亦  
主死此言生死之機全憑脈息而脈之根又藉於中土也諸節  
皆言下利此節撰言下利後則與少陰下利而頭時時自胃者

同意利後似乎邪去。殊不知正氣與邪氣俱脫之故。昨時脈不  
手足濕陽氣尙存一絛。猶可用四逆白等通法。以救將絕之陽。  
也。傷寒下利日十餘行。病在厥陰。而三陽三陰之氣皆虛。脈反  
寔者。無有氣柔和之脈。乃真元下脫。故死。穀入於胃。藉中土之  
之氣。變糟粕。猶奉心化赤。厥陰標陰氣盛。入胃不能變化精液。  
蒸津液而泌糟粕。清濁不分。下利清穀。裏寒外熱。汗出而厥者。  
通脈四逆湯主之。此言裏不逆不外。而陰寒內拒。外不通於裡。  
而孤陽外越。非急用大溫之劑。必不能通。陰陽之氣於頃刻。厥  
陰標陰病。則爲下利清穀。厥陰中見得病。則爲熱利。下重者。白  
頭翁湯主之。內經所謂暴注下迫。皆屬於熱也。下重者。厥陰經

邪熱入下於大腸之間。肝性急速。邪熱甚。則氣滯壅塞。其聚之物。急欲出而不得。故下重也。下利腹滿。身體疼痛。先溫其裏。乃攻其表。溫裏宜四逆湯。攻表宜桂枝湯。臟寒生滿。病水穀之氣下行。陰寒之氣上逆。故先服其裏寒。後去其表寒也。下利欲飲水者。以有熱故也。白頭湯主之。此申明白頭翁湯能清火熱。以下降而引陽液以上升也。下利譫語者。中見火化。與陽明燥氣相合。胃氣不和。有躁屎也。厥陰忌下。有燥屎。不得下。宜小承氣湯。微和胃氣。下利後更煩。水液下涸。火熱上盛。按之心下濡者。非上焦君火充盛之煩。乃下焦水陰不得上濟之煩。此爲虛煩。宜梔子豉湯。嘔家有癰膿者。熱傷色絡。血化爲膿也。腐



穢欲去而嘔。不可以辛散之品治嘔。反逆其機。邪內壅。無所泄矣。俟膿盡。則熱隨膿去。而自愈。此章四節。俱厥陰之嘔。有血氣寒熱虛寔之不同也。嘔而脈者。裡氣大虛。小便復利。氣穢。五泄。身有微熱。見厥者。陰陽之氣不相甚。按上者自上。下者自下。有出無出。故爲難治。四逆湯主之。乾嘔吐涎沫。頭痛者。以漿散。厚土之。此言厥陰陰寒極盛。津液爲寒氣絆。迎而上。所嘔皆涎沫。而無飲食。痰飲。而且逆行。顛頂。而作頭痛。非大劑不能治。此甚劇之症。方中無治頭痛之藥。以頭內氣逆上衝。止嘔。卽所以治頭痛也。嘔而發熱者。小柴胡湯主之。厥陰與少陽爲表裏。邪在厥陰。惟恐厥逆下利。若見嘔而發熱。是藏邪還府。自陰出陽。無



陰交邪逆之患矣。故當從少陽之樞而治之。傷寒以胃氣爲本，不獨厥陰然也。厥陰不治，以之陽明尤爲要法。傷寒太田大木之極虛，復極汗出，則外亦極虛。虛則氣少，不得交通於內。其外氣拂鬱，恰似外來之邪拂鬱於表，誤認爲邪熱，復與之水以發其端，因得所以然者，胃中寒冷故也。傷寒噦而腹滿，視其前後，知何部不利，利之則愈。噦既有虛寒之症，亦有虛寒之症。厥陰之經抵少腹，挾胃上入頰頰。凡噦呃之氣，必從少腹而起，由胃而上升於咽喉故也。大傷寒至噦，非土中敗絕，卽胃中寒冷。然亦有裡寒不通，氣不得下泄，反上逆而爲噦者。玉機真藏論云：脈盛皮熱，腹脹前後不通，悶替此謂五藏身汗，得後利則定。



者活。金噦而腹滿。前後不利。五寔之二寔也。寔者寫之。視其前  
後二部。利之則氣得通。下泄而不止。逆噦即愈矣。夫以至虛至  
寒之臟。症亦有寔者存焉。凡寔熱之症。亦有虛者在矣。視其氣  
熱虛寔。而施溫涼補瀉。則人無天札之患矣。

傷寒醫訣串解卷六終

